



Plani i Punës së Kolegjiut për Inspeksionin Komunal për 2011

I. Strategjia e AKK-së për periudhën 2011-2015

Vizioni dhe misioni i AKK-së i përcaktuar në Strategjinë për periudhën 2011-2015 (të aprovuar nga Bordi i AKK-së) sheh AKK-në në vitin 2015 si organizatë më të fuqishme dhe më efektive në:

1. Avokim në emër të komunave tek niveli qendror, dhe
2. Shërbim të nevojave të komunave anëtare

Me realizim të këtij vizioni dhe misioni do të dëshmohet dobishmëria dhe këmbëngulësia e AKK-së, dhe pritet që komunat do të paguajnë anëtarësinë në tërësi dhe kështu të sigurojnë qëndrueshmërinë financiare të AKK-së.

Rezultatet e pritura nga katër fushat strategjike të veprimit për realizim të vizionit dhe misionit janë:

1. Avokim dhe lobim pro-aktiv

- Interesat e komunave janë promovuar dhe mbrojtur tek qeveria qendrore, agjencionet ndërkombëtare dhe institucionet tjera relevante
- Aktivitetet lobuese janë koordinuar në mënyrë efektive për t'i mundësuar komunave të flasin njëzëri
- Legjislacioni që afekton kompetencat komunale është harmonizuar dhe shërben interesat e komunave

2. Zhvillim efektiv i kapaciteteve

- Koncepti afatgjatë dhe i bazuar në nevoja për zhvillim të kapaciteteve dhe trajnime për komuna është zhvilluar gradualisht dhe është duke u zbatuar
- Trajnim kualitativ i ofruar bazuar në kërkesa specifike të komunave

3. Përmirësim në ofrim të shërbimeve

- Funksionim efektiv i brendshëm i administratave komunale është përkrahur përmes harmonizimit të strategjive, akteve, organizimit si dhe procedurave relevante komunale të cilat shërbejnë qytetarët dhe sektorin privat
- Ofrim i ekspertizës së kualifikuar teknike dhe ligjore në fushat ku komunat dhe Kolegjiut nuk kanë ekspertizë të tillë
- Ofrim i shërbimeve specifike komunave të reja që nxisin integrimin
- Ofrim i këshillave të kualifikuara dhe lobim efektiv për financim nga palët e treta

4. Efiçenca organizative

- Në vitin 2015, AKK është një organizatë kompetente, e përparuar dhe financiarisht e qëndrueshme, me leverdi substanciale në procesin e decentralizimit

- Bordi dhe Këshilli i Kryetarëve ofrojnë udhëzime strategjike
- AKK, kryesisht përmes "Miqëve të AKK-së", mirëmban marrëdhënie të shkëlqyera me komunitetin e donatorëve ndërkombëtarë

II. Prioritetet e Kolegjiut për Inspektionin në vitin e kaluar (2010)

1. Decentralizimi i kompetencave nga niveli qendror në nivelin lokal-harmonizimi i akteve juridike;
2. Qartësimi i kompetencave për dhënien e lejeve dhe licencave të ndryshme;
3. Trajnimet e stafit udhëheqës të drejtorive komunale për Inspektionin;
4. Organizimi i vizitave studimore për përvoja dhe praktika të mira në lëmin e inspektionit;
5. Bashkëpunimi ndër-komunal mes komunave edhe përmes shkëmbimit të inspektorëve komunal dhe përvojave nga fusha e Inspektionit;
6. Trajtimi me beneficione të inspektorëve komunal për rrezikshmërinë në punën e tyre.

III. Projektligjet për vitin 2011 në Strategjinë Legjislative Qeveritare

- Projektligji për inspektoratet 1 nëntor 2011;
- Projektligji për ndryshimin dhe plotësimin e Ligjit nr.2004/18 për tregtinë e brendshme 30 qershor 2011;
- Projektligji për Inspektoratin e mjedisit, ujërave, planifikimit hapësinor dhe ndërtimit 30 shtator 2011;

IV. Plani Vjetor i Punës për vitin 2011

Plani Vjetor i Kolegjiut për vitin 2011 ka për qëllim të:

- organizoj punën e Kolegjiut
- bashkërendoj idetë dhe lehtësoj/udhëheq zbatimin e aktiviteteve
- arrijen e objektivave të Kolegjiut dhe AKK-së, dhe
- kontribuoj në përmirësimin e vetë-qeverisjes lokale në Kosovë

AKK ka organizuar takimin e Kryesisë së Kolegjiut me 29 prill 2011 dhe ka përgatitur Planin e Punës për vitin 2011 ku në vija të trasha janë përcaktuar:

1. 2 prioritete
2. Objektivat
3. Aktivitetet
4. Datat (muajt) për takimeve gjatë vitit 2011

Plani i Punës është në përputhje me i) fushat strategjike të veprimit në kuadër të Strategjisë së AKK-së 2011-2015, ii) prioriteteve të identifikuara për vitin e kaluar 2010, iii) Strategjinë Legjislative të Qeverisë së Republikës së Kosovës për vitin 2011, dhe v) çështjet e ngritura gjatë vizitave të AKK-së në të gjitha Komuna te Kosovës.

Ky Plan i Punës duhet të shihet si një dokument i cili ka nevojë për azhurnim dhe plotësim të vazhdueshëm në mënyrë që t'i përshtatet kërkesave dhe nevojave të komunave të Kosovës sipas situatës në teren.

Plani Vjetor i Punës për vitin 2011 për Kolegjin për Inspeksion

		Takimi 1 7 shkurt Vushtrri	Takimi 2 25 maj Viti	Takimi 3 Fillim i shtator	Takimi 4 Fund i tetor	Takimi 5 ???	Takimi 6 nëntor/ dhjetor
Prioriteti I	Legjislacioni						Raportimi për vitin 2011 dhe planifikimi për 2012
Objektiva I.1	Kompletimi i infrastrukturës ligjore						
Aktiviteti I.1.1	Pjesëmarrje në Grupet Punuese legjislative		X				
	Lobim për ndryshim të Ligjit për inspektoratin e tregut (të kthehen kompetencat në komuna dhe mos të nënshkruhet Memorandumi i Mirëkuptimit me MTI)	X	X				
Objektiva I.2	Sqarim i kompetencave dhe plotësimi i procedurave për inspektim						
Aktiviteti I.2.1	Sqarim i kompetencave për konfiskim të mallit (inspektori sanitar dhe i tregut)			X			
Aktiviteti I.2.2	Sqarim i koncepteve 'licencimi' dhe 'leja e punës'			X			
Aktiviteti I.2.3	Shqyrtim i formave dhe kriterëve për dhënien e lejeve për anekse të pompave të gazit propan/butan				X		
Aktiviteti I.2.4	Ndryshim i formave të licencimit (plotësim i certifikatës së biznesit me informacion tjetër përkatës në vend të lejes së punës, si p.sh. pronari/bashkëpronarët)			X			
Prioriteti II	Bashkëpunim më i ngushtë në institucionet relevante për zhvillim të mëtutjeshëm të inspektoratit komunal						
Objektiva II.1	Përmirësimi i kushteve të punës						
Aktiviteti II.1.1	Bashkëpunim mes inspektorateve komunale dhe ministrive					X	
Aktiviteti II.1.2	Beneficion për punë jashtë orarit të punës dhe rrezikshmëri					X	
Objektiva II.2	Zhvillimi i kapaciteteve të inspektoratit komunal						
Aktiviteti II.2.1	Kërkimi i fondeve për trajnim dhe vizita studimore për Drejtorët e inspektoratit dhe inspektorët komunal				X		
Aktiviteti II.2.2	Shkëmbimi i përvojave (vizita nëpër komuna dhe teren)		X				